

UMJETNOST PREŽIVLJAVANJA

OSNOVNE POTREBE

osoba koje su, ili bi trebali biti, korisnici socijalne pomoći



HRANA

Ma bitna mi je, mogu Vam reći, evo da kupim sebi, da mogu jest.

Jelka, korisnica socijalne naknade



LIJEKOVI

I to što ima, to ti je, jedan dio odvajáš za lijekove, drugi je da preživíš. To vam može, ja većinu potrošim na lijekove, a ostalo ono što ćeš jesti, šta ću ja, ti ne moreš mjesec dana ništa, eto vam je možda dva-tri dana da morete preživiti, eto to je to. Meni su najbitniji lijekovi, razumijete, jer mi većina ide za lijekove.

Kenan, korisnik socijalne naknade



BRIGA ZA DJECU

Mi sad dignemo te doplatke i odemo u, kako se zove, što se otvorilo, i njoj uzmemo dva kartona mlijeka, kol'ko nam more bit' za jedno, za jedan mjesec i uzmemo pelene. Znači, svaki dan po čet'ri, pet pelena, šest nekad promijeniš.

Raza, korisnica dječijeg dodatka



ZDRAVSTVENE USLUGE

Pa ništa. Eto platim terapeuta 150 maraka, ne dobijem ništa. Prije je bilo 40 KM pa sad 160 KM, pa ono kao bar mogu tog terapeuta da platim, što prije nisam mogla ni to i onda mi je malo lakše kad mi on pomaže oko tih vježbi i to. Ne mogu ništa da uradim, sve zavisim od drugog lica. Sjedim, spavam, ležim i tako.

Dragana, osoba sa dijagnosticiranom Parkinsonovom bolešću



RAČUNI (REŽIJE)

Pomoć mi je važna jer ne moram da razmišljam kako ću platiti struju. Ja jedna eto tako deveram, držim te račune, 65 godina sine sramota da me istaknu na tablu. Ovih nije stid nekih. Ja gledam imaju po 500-600 KM duga, ja bih sebe u Bosnu, ne znam plivati.

Zumra, korisnica socijalne naknade